



Peter Olsen  
Inatsisartunut ilaasortaq, Inuit Ataqaigiit

**§ 37 naapertorlugu apeqquteqaammut nr. 001-imut - Eqqumiitsuliornermut aningaasaateqarfimmuut tunngasumut akissuteqaat**

16-01-2020  
Suliap normua  
All. nr. 10941081

Postboks 1029  
3900 Nuuk  
Oqarasuaat: : +299 34 50 00  
Email: [ikin@nаноq.gl](mailto:ikin@nаноq.gl)  
[www.nаноq.gl](http://www.nаноq.gl)

Asasara Peter Olsen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfignissavakka.

**Apeqqut 1:** *Eqqumiitsuliornermut aningaasaateqarfimmik pilersitsinissamut periarfissaq akuerineqaqqammersup atornissaanut Naalakkersuisut pilersaaruteqarpat?*

**Akissut:**

Naalakkersuisut ilisimatitsissutigisinnaavaat, eqqumiitsuliornermut aningaasaateqarfimmik pilersitsinissaq pillugu suliaq aallartinneqareerpoq. Ilinniartitaanermut, Kultureqarnermut Ilageeqarnermullu Naalakkersuisoqarfik suliassaqarfimmi nalunaarummik piareersaalluni massakkut aallartinnikuuvoq.

**Apeqqut 2:** *Soqutigisaqartunik siammasissumik akuutitsinissamik Naalakkersuisut qulakkeerinninnissaat naatsorsuutigalugu, eqqumiitsuliornermut aningaasaateqarfimmik pilersitsinissap qanoq sivistigisumik isumagineqarnissaa Naalakkersuisut naatsorsuutigaat?*

**Akissut:**

Apeqqutip 1-ip akineqarnerani eqqaaneqartoq malillugu aningaasaateqarfik pillugu nalunaarummik suliaqartoqassaaq. Aningaasaateqarfiup 1 januar 2021-miit aallartinneqarnissaa siunertaralugu suliap taassuma upernaap ingerlanerani naammassineqarsimanissaa naatsorsuutigineqarpoq.

**Apeqqut 3:** *Naalakkersuisut akissuteqaataat tunuliaqutaralugu "inuuneq naallugu pisartagassat" pilersinneqarnissaannik suliaq Naalakkersuisut nassuiaateqarfignissagaat kissaatigineqarpoq?*

**Akissut:**

Akissuteqaammi allassimasut malillugit UKA 2019/156-ip aappassaaneerpeqarnerani Naalackersuisut eqqumiitsuliornermik ingerlatallit suleqatigiiffii peqatigalugit inuuneq naallugu pisartagassanik kissaateqarneq aamma taamatut kissaateqarnerup piviusunngortissinnaanissaanut periarfissat pillugit kissaateqarneq pillugu oqallittoqarnissaanik pilersaaruteqarput. Tamanna eqqumiitsuliornermut aningaasaateqarfik pillugu nalunaarutissatut siunnersuutip oqallisigineqarneranut atatillugu pissasoq naatsorsuutigineqarpoq, kisianni akissuteqaammi eqqaaneqartut malillugit inuuneq naallugu pisartagassiisarnarit atulerneqassappata tamatumunnga immikkut ittumik inatsisitigut tunngavissamik pilersitsinissaq pisariaqassaaq.

**Apeqqut 4:** *Inuuneq naallugu pisartagassat sinaakkutaannut suut iluaqutaasumik ilanngunneqarsinnaanerit Naalackersuisunit nassuiaatigineqassasoq kissaatigineqarpoq (ass. isertitanik nalimmassaaneq, agguaassinermi toqqammaviit il.il.)*

**Akissut:**

Naalackersuisut sulit eqqumiitsuliornermik ingerlatallit suleqatigiiffii peqatigalugit inuuneq naallugu pisartagassiisarnissamut atugassarititaasussanik eqqartuinissaminnut periarfissaqarsimanngillat.

Taamaammallu taamatut pisartagassiisarnissamut atugassarititaasussat eqqarsaatigalugit massakkorpiaq qulaajaasoqarnikuunngilaq.

Inussiarnersumik inuulluaqqusillunga

Ane Lone Bagger